



## **Universitätsbibliothek Paderborn**

### **Acta Ecclesiae Mediolanensis**

Decreta Provinciae Mediolanensis Svb B. Carolo Borromeo, Cardinale Archiepiscopo, Diuersis temporibus in sex Concilijs, totidemq[ue] voluminibus edita

**Speciano, Cesare**

**Brixiae, 1603**

De Materia Habes Clem. VI. Constit. I in Bull. fol. 39 & Inn. 6 constit. 1 fol. 42 & Inn. 7. ....

**urn:nbn:de:hbz:466:1-10553**

tit, & inhabilitationem ad alia in posterum obtinenda, coerceri, & compelli volumus antedictas. Et nihilominus omnes & singulos Iudices, & Executores, Communitates, dominia, laicos, & laicales personas, postquam exceptum fuerit de non iurisdictione eorum, aut evidenter appareat huiusmodi cognitionem ad eos de iure non spectare, talia praesumentes, & ea fieri mandantes, seu eorum nomine, & mandato facta, rata habentes, vel eis faciendis dantes auxilium, consilium, vel fauorem, cuiuscunque praeminentiae, dignitatis, gradus, ordinis, vel conditionis, existant, seculares personas; eorum videlicet singulos officiales, quocumque nomine censeantur, & consiliarios, & priuatas personas, quae praemissorum principales perpetratores existent excommunicationis sententiam incurrere volumus ipso facto, nullusque ab eisdem sententijs, per alium quam per Romanum Pontificem, praeterquam in mortis articulo constitutus, absolvi valeat, siue possit: & praemissa omnia, non tantum ad futura, sed etiam ad praesentia, & pendentia extendimus auctoritate memorata; quodque etiam procurator fiscalis causarum Cu Cameræ Apostolicæ contra culpabiles in praemissis desuper summaria informatione præhabita, per se, vel alium, seu alios, agere & procedere possit & valeat, nihilominus concedentes. Non obstante si aliquibus communiter, vel diuissim à sede Apostolica sit indultum, quod interdici, suspendi, vel excommunicari non possint, per literas Apostolicas non facientes plenam, & expressam, ac de verbo ad verbum, de eorum propriis nominibus, ac indulto huiusmodi mentionem, & quibuslibet constitutionibus, priuilegijs, indultis, & literis Apostolicis, de quibus etiam plena, & expressa, ac de verbo ad verbum, in nostris literis habenda est mentio specialis, ceterisque contrariis quibuscunque. Nulli ergo &c. nostrorum statuti, decreti, ordinationis, & voluntatis, infringere &c.

Datum Romæ apud Sanctos Apostolos Kal. Februarij Pontificatus Nostri Anno undecimo.

DE MATERIA HABES CLEM. VI. CONSTIT. I.  
in Bull. fol. 39. & Inn. 6. constit. I. fol. 42. & Inn. 7. constit. I. fol. 49.  
& Greg. XIII. constit. 64. ad Romani fol. 1289.

Leo Episcopus seruus seruorum Dei. Ad futuram rei  
memoriam.

**I**ntra graues solitudines, & curas quibus pro pastoralis officij, & Apostolicæ servitutis debito continuè præmimur, una est pecularijs, qua semper angimur, ut defensioni, & custodiæ Ciuitatum, & Terrarum, & locorum nobis, & Sanctæ Romanæ Ecclesiæ subiectorum assidue inuigilemus, ac ne peruersorum temerarijs ausib[us], à quibusvis gentium armorum ductoribus, qui sine iustitiæ ministeric, sed hostili manu, & propria temeritate procedunt, occupentur, & dissipentur, omnibus remedijis, & iuris auxilio opportune prohibere, quod tantò periculosis negligitur, quanto exinde turbatio, & confusio Ciuitatum, & Terrarum Ecclesiastici status de facilis causaretur, & Pontificalis authoritas minueretur. Cum itaque opem, & operam efficaces adhibere debeamus, ut omnes Christifideles, præsertim in terris, & locis nobis, & dictæ sedi mediataè, vel immediatè subiectis existentes, sublati quibuscunque armorum strepitibus, & impedimentis quietè, & pacifice viuere valeant, omnibus iuris remedijis (vbi etiam peruersorum audacia exigit, vibrato Apostolicæ potestatis mucrone) per censuras Ecclesiasticas prouidere volentes. Sanè cum mente reuoluimus quot & quantos labores fel. record. Iulius Papa II. prædecessor nostro recuperatione Ciuitatum, Terrarum, & locorum ad Romanam Ecclesiam Canonicu titulo pertinentium, quæ à diuersis Ducibus, Principibus, & potentatibus longo tempore occupata, & detenta fuerant, passus fit; præsertim cum adductus fuerit consilium capere de adeundis per seipsum, visitandis, & reformandis aliquibus Ro-

manæ

manę Ecclesię Ciuitatibus, & illarū statu, assumptis etiam aliquibus copijs, vt contumaces compescere posset, iter matura deliberatione cum Sancta Romanæ Ecclesię Cardinalibus; ipsiis eum comitantibus, arripere, illaque felici, & prospero successu, dextera Domini sibi etiam assistente, recuperauerit, & dictæ Romanæ Ecclesiæ reintegrauerit. Nos etiam post nostram ad summi Apostolatus apicem, diuina fauente clementia assumptionem, Parmam, & Placentiam Ciuitates, quibus Apostolica sedes, ea tunc vacante, spoliata fuerat, summa diligentia restitui curauimus, Ut omnia quæq; per eundem Iulium prædecessorem recuperata, pro nostro & dictæ sedis honore, non minori diligentia, ac opportunis iuris remedij cōseruare intendimus, quam idem Iulius prædecessor, cum in humanis ageret, recuperare studuerit: animo etiam semper gesimus, Reges, & Principes, ac Potentatus, quos tempore assumptionis nostra huiusmodi inter se bello dissidentes audiuimus, non armis, sed concordia, eorum differentias, & lites, Domino concedente, terminari, & inter fideles quolibet, controvierias super quacunque, etiam maximas importante re, viā iuris, & non armis, decidi, & terminari, ipsaq; arma Regum, & Principum, ac Potentatum prædictorum vnamī consensu contra immanissimos C H R I S T I nominis hostes, ad fidei exaltationem conuerti, summo studio concipiūmus. Et cum à quāpluribus prædecessoribus nostris Romanis Pontificibus, constitutiones, diuersas censuras, & pœnas in se continentes, contra oecupantes Ciuitates, & Terras, & loca huiusmodi, aut illa hostiliter inuadentes emanauerint, & singulis annis censuræ huiusmodi contra talia præsumentes in die Cœnæ Domini innouentur, ea propter nē terrarum, aut locorum, ac iurium, seu honorum Sancte Romanæ Ecclesiæ curam negligere videamur; necnon ad tollendam super præmissis ignorantiæ, aut cuiuslibet alterius generis excusationem; omnes, & singulas constitutiones, & literas Apostolicas, ac processus, qui singulis annis publicè promulgantur in die Cœna Domini, ex more Romanorum Pontificum, ac alias quacunque constitutiones, seu Canonicas sanctiones quomodolibet editas, excommunicationis, ad alias sententias, censuras & pœnas contra Ciuitates, & Terras, loca, & iura ad dictam Romanam Ecclesiam pertinentia occupantes, aut illa hostiliter inuadentes, vel ad id per se, vel alium, seu alios, auxilium, consilium, vel fauorem, directe, vel indirecte, aut alias quousque fito colore præstare præsumentes, cuiuscunq; ordinis, præminentie, & conditio-  
nis, & status, etiam si Cardinalatus, aut Patriarchali, Regali, Reginali, aut alia quouis Ecclesiastica, vel mundana, præfulgeant dignitate, continentis, approbamus, & innouāmus, illasque inuiolabiliter obseruari debere decernimus: ac omnes & singulos Reges, Duces, Principes, Marchiones, Comites, Barones, ac Communitatuum, Vniuersitatum, tam in Italia, quam extra Italiam existentium singulas personas, Ciuitates, Terras, & loca, præsertim Parmam, & Placentiam, ad dictam Romanam Ecclesiam mediatae, vel immediatae pertinentia, seu in quarum, vel quorum, aut cuiuslibet earum, vel eorum possessione quomodolibet eadem Sancta Romana Ecclesia per se, vel alium extiterit, hostiliter inuadentes, aut alias cum gentibus armorum, aut stipendiarijs equestribus, vel pedestribus, aut sine, etiam aduocationem, & quomodounque, & quouis quæfito colore, aut ingenio, absque nostra speciali licentia occupantes, necnon stipendiarios equestres, aur pedestres, quomodolibet contra præfentes literas nostras, & in eis contenta militantes, aut auxilium, consilium, vel fauorem præstantes, ex parte Omnipotentis Dei, Patris, & Filii, & Spiritus Sancti, auctoritate Beatorum Petri, & Pauli Apostolorum, ac nostra, & de potestate plenitudine, excommunicamus, anathematizamus, ac maledictionis, & damnationis æternæ mucrone percutimus, ac omnium Ecclesiasticarum censoriarum laqueis ligatos, & irretitos esse, vigore præsentium decernimus, ac reos criminis læse maiestatis, & à sede Apostolica, & à Sancta Romana Ecclesia, ac omnibus dictæ Romanæ Ecclesiæ deuotis, cum eorum bonis perpetuo diffidatis, infames, & inhabiles ad omnes Ecclesiasticas, vel mundanas dignitates, omnesque actus legitimos, & Ecclesiastica

sep-

sepulta indignos esse, auctoritate, & potestate praeditis etiam decernimus. Et generaliter Ciuitates, Terras, Oppida, & loca quæcunque, ad quæ aliquem eorundem excommunicatorum declinare contigerit, quamdiu ibidem permanferit, etiam triduo post recessum eiusdem, Ecclesiastico interdicto subiçimus, necnon excommunicatos, anathematizatos, & maledictos, titulis, dignitatibus, & honoribus, in quibus constituti existunt, & tam ipsos, quam Communitates, Castra, Oppida, & loca praedita, omnibus priuilegijs, & indultis, etiam Studij generalis, concessionibus, & gratijs, dignitatibus, honoribus, quibus utuntur, & gaudent, seu muniti sunt, necnon bonis omnibus, quæ in feudum, vel in emphyteosim, seu alias à præfata Romana, vel alijs Ecclesijs. Monasteriis, & locis Ecclesiasticis, aut alias quomodolibet, etiam ab Imperatore, Regibus, seu alijs Principibus, ac secularibus potestatis obtinent, penitus priuamus, dictaq; bona feudalia, vel emphyteotica, ut præfertur, obtenta, ad dominos suos reuerti debere, ita ut de illis liberè dispone-re possint, decernimus. Et si aliqui excommunicatis, anathematizatis, & maledictis praeditis, clerci, sacerdotes, vel prælati, etiā in Archiepiscopali, Episcopali, vel alia dignitate, etiam Cardinalatus honore, & beneficiati fuerint; illos dignitate, ac titulo Cardinalatus, necnon prælaturis, administrationibus, regimineq; , ac omnibus & singulis beneficijs, dignitatibus, personatibus, officijs, canonicatibus, & præbendis, alijsq; beneficijs Ecclesiasticis, ac ordinibus, etiam Sacerdotalibus, ad quos promoti forent, sine villa spe restitutionis, & absq; alia citatione, seu declaratione, priuamus, & ex nunc priuatous esse per præsentes decernimus. Absoluī autem à praeditis censuris, sententijs, ac poenis nullus ex supradictis per alium quam per Romanum Pontificem, nisi duntaxat in mortis articulo constitutus possit, nec etiam tunc, nisi quantum fieri potest, satisfactione prævia, & de stando sanctæ matris Ecclesiæ mandatis, & similia vterius non committendo, legitima cautione præstata, aliter autem absoluere, aut indignos sepulta Ecclesiastica, ut præfertur, sepelire præsumentes, supradictis omnibus, & singulis poenis eo ipso subiçimus. Quodq; de beneficijs praeditis possit, & debeat per sedem peadiam duntaxat, seu ab illa speciale facultatem habentes, absq; alia declaratione incurvant, & à quibus, ut præfertur, non nisi à nobis, & successoribus nostris, præterquam in mortis articulo constituti, & debita satisfactione premissa, absolvi possint, in virtute sancte obedientie, districte præcipiendo mandamus, ne aliquas gentes armigeras, præterquam ad nostra, & dictæ S.R.E. stipendia militantes, quouis quæsto colore in Ciuitatibus, Terris, Castris, Oppidis, & locis nobis subiectis, fine nostra speciali licentia admittere, retinere, illisq; victu lia, aut aliquid subsidium quoquomodo præstare præsumant; eosq; etiam si Cardinalatus honore, vel Archiepiscopali, Episcopali, aut quavis alia Ecclesiastica, vel mundana præfulgeant dignitate, si contrafecerint, ipso facto eisdem poenis subiace-re, Ciuitates quoque, Terras, Castra, Oppida, & loca praedita, ad quæ inobedientes huiusmodi declinare, & in quibus moram trahere contigerit, Ecclesiastico supponita interdicto tamdiu firmiter obseruando, donec compuncti corde, huiusmodi interdicti relaxationem, debita satisfactione premissa, meruerint obtinere, ac ibidem permanferint, & per triduum post eorum discessum, auctoritate Apostolica, scientia, & potestate praeditis decernimus. Non obstan. premissis, ac constitutionibus, & ordinationibus Apostolicis, necno quibuscunque priuilegijs, & indultis, sive indulgentijs, & literis Apostolicis, generalibus, vel specialibus, à predicta sede, sub quavis forma, vel tenore, quibusuis ex supradictis, etiam Cardinalibus concessis, quod excommunicari, vel anathematizari non possint, consuetudinibus quoque, obseruantis, scriptis, ceterisque contrarijs quibuscunque. Et quia difficile foret, presen-



tes literas ad singula queq; loca , in quibus expediens fuerit, illas deferri, volumus, & dicta auctoritate decernimus, quod illarum transumptis, manu alicuius Notarii inde rogati subscriptis, & sigillo alicuius prelati, seu alterius personae in Ecclesiastica dignitate constitutae sigillatis, ea prorsus fides indubia in iudicio, & extra ac alias vibilitate adhibeat, quae presentibus adhiberetur, si essent exhibite, vel ostense. Insuper ut premissa omnia, & singula ad omnium ad quos spectat, notitiam, & cognitionem deueniatur, omniumque in presentibus literis contentorum certa, & indubitate notitia habeatur, nullusque præmissorum ignorantiam iuste pretendere posse, nec se legitimè excusare valeat, volumus, & decernimus, presentes literas nostras per aliquos Curiæ nostræ Cursores, vel Notarios publicos, in Basilica Principis Apostolorum, & Ecclesia Lateranensi, hora diuinorum, publicè, alta & intelligibili voce legi, & publicari, & dictarum Ecclesiasticarum portis, siue valuis, ac in acie Campi Floræ, & Cancellariæ Apostolicæ affigi, & ibidem per aliquod temporis spatum dimitti debere. Quæ sic publicatæ, & affixæ, tunc à die publicationis predictæ immediate ligant, & effectum fortiantur, & eos quos concernunt ita arcent, perinde ac si personaliter eisdem intimatae essent. Nulli ergo omnino hominum liceat hanc paginam nostræ approbationis, innovationis, excommunicationis, anathematizationis, percussionis, subiectionis, priuationis, mandati, decreti, & voluntatis infringere, vel ei ausu temerario contraire. Si quis autem hoc attentare presumperit, indignationem omnipotentis Dei, ac beatorum Petri, & Pauli Apostolorum eius se noverit incursum. Datum Romæ apud Sanctum Petrum, anno Incarnationis Dominicæ, millesimo quingentesimo decimoquinto, octauo Kalæ Junij, Pontificatus Nostræ Anno tertio.

Anno à Nativitate Domini, millesimo quingentesimo decimoquinto, Indict. 3. Die vero 26. mensis Maij, Pontificatus Sanctissimi in Christo Patris, & D.N.D. Leonis diuina prouidentia Papæ X. Anno tertio, retroscriptæ literæ Apostolicæ, ut ad omnium notitiam citius deuenirent alta, & intelligibili voce de verbo ad verbum lectæ fuerunt in valuis Basilicæ Principis Apostolorum, ac Ecclesiæ Sancti Iohannis Lateran. dum ibidem diuina celebrarentur, & multitudine populi adfuerit. Necon earundem Ecclesiæ, & Cancellariæ Apostolicæ valuis seu portis, ac acie Campi Floræ affixæ & publicatæ, ac congruo temporis spatio dimisæ fuerunt per nos Huber tum Iacobi, & Ioannem Valtrini prefati Sanctissimi Domini Nostræ Papæ Cursores.

Ita est Ioannes Valtrini qui supra Cursor.

Ita est Hubertus Iacobi qui supra Cursor.

### BULLA SIVE CONSTITUTIO LECTA DIE COENÆ Domini, Anno 1584.

In nomine Sanctæ, & Individuæ Trinitatis, Patris, & Filii,  
& Spiritus Sancti. Amen.

Gregorius Episcopus seruus seruorum Dei. Ad perpetuam rei memoriam.

**C**onsueuerunt Romani Pontifices prædecessores nostri, ad retinendam puritatem religionis Christianæ, & ipsius unitatem, quæ in coniunctione membrorum ad unum caput, Christum videlicet, eiusque Vicarium principali ter consistit, & Sanctam fidelium Societatem ab offensione seruandam, arma iustitiae per ministerium Apostolatus in præsenti celebritate exercere.

Nos igitur vecustum, & solennem hunc morem sequentes, excommunicamus, & anathematizamus ex parte Dei omnipotentis, Patris, & Filii, & Spiritus Sancti, auctoritate quoque Beatorum Apostolorum Petri, & Pauli, ac nostra quoscunque Visitas,

Vicle-